



## **Universitätsbibliothek Paderborn**

**Tractatio Synoptica De Ivdiciis Ad Lib: II. Decretal:  
Gregorii IX.**

**Herberstein, Ferdinand von  
Tabarelli de Fatis, Donato Vincenzo**

**Spirens., 1660**

6. An occultorum delictorum denunciationem juridicam infamiae praecedere debeat?

**urn:nbn:de:hbz:466:1-11416**

ne, quod per ipsa l̄edatur, quod necessaria  
requisitum erat, ut dicerentur pro-  
priè esse in damnum communitatis, ut su-  
pra diximus titul: 2. de accus: num: 19. ad  
fin. His positis.

6. Respondeo & dico 1. non esse opus,  
ut præcedat infamia licitam denunciatio-  
num juridicam. ita Suarez hic capit. 12. &  
patet ex cap. *inquisitionis* & cap. *Qualiter* &  
*quando de accus:* Ratio, quia in via inquisi-  
tionis specialis prærequiritur infamia,  
ut suppleat vicem accusatoris, qui semper  
virtualis aut formalis ad condemnandum  
requiritur, ut omnes docent cum D. Tho:  
2. secundæ. q. 67. art: 3. ex S. Ambroſio. Atqui  
in nostro caſu denunciator supplet vicem  
accusatoris, quamvis non omnino ſufci-  
piat totum onus illius, cum non ita obli-  
getur ad probandum ſicut accusator. Er-  
gò ante hanc denunciationem non præ-  
exigitur infamia. Deinde bonum co-  
mune exigit, ut quisque licet possit accusare  
judicialiter id, quod probare potest, esto  
de delinquentे infamia non præcesserit,  
quod graviter l̄aderetur, si facinorosi ſci-  
tent posse impunè peccare absque metu

pœnæ quamdiu horum delicta non essent  
publica aut delata per accusationem.

7. Respondeo & dico 2. Peccata no-  
toria, hoc est, quæ in præsentia, multorum  
vel alio modo à pluribus cognoscuntur,  
possunt statim neq; præmissâ monitione  
aut correctione fraternâ judicialiter de-  
nunciari. Est communis cum D. Thoma  
q. 33. art. 7. in princip. juxta illud Pauli 1. ad  
Tim. 5. peccantem coram omnibus argue, ut ce-  
teri timorem habeant. Ratio. qui enim in  
publico peccat, eo ipso juribus secreti re-  
nunciat, neq; sperari potest corrigendus  
per monitionem secretam, cùm præsen-  
tiam hominum & leges monentes non sit  
veritus. Item in tali denunciatione non  
solùm emendatio fratris intenditur, sed  
etiam reparatio scandali dati mediâ puni-  
tione. Obligatio verò denunciandi hac  
peccata tunc erit, quando aderit, præce-  
ptum superioris, vel quando ex illis immi-  
nebit damnum tertio aut communitati,  
quodq; per denunciationem reparari po-  
test. Quod si peccata non fuerint in da-  
mnum tertii, sed solùm in damnum ipsius  
delinquentis, qui per correctionem emé-  
dan.